

Isi Kandungan

Pelajaran 1	Kelahiran Gereja Perjanjian Baru di Yerusalem	4
Pelajaran 2	Petrus dan Yohanes	6
Pelajaran 3	Kehidupan Gereja Awal Yerusalem - Ananias dan Safira	8
Pelajaran 4	Kehidupan Gereja Awal Yerusalem- Pembebasan Ajaib Dari Penjara	10
Pelajaran 5	Stefanus - Penindasan dan Penyebaran Gereja Yerusalem	12
Pelajaran 6	Injil Disebarkan ke Samaria	14
Pelajaran 7	Saulus si Penyeksa Berjumpa Yesus - Dalam Perjalanan ke Damsyik	16
Pelajaran 8	Saulus Bertemu Dengan Rasul-Rasul	18
Pelajaran 9	Keajaiban dan Penglihatan Petrus	20
Pelajaran 10	'Sudah Rasmi: Injil Untuk Semua Orang - Termasuklah Bukan Yahudi'	22
Pelajaran 11	Barnabas Si Pendorong dan Gereja di Antiokhia	24
Pelajaran 12	Penindasan di Yerusalem dan Cubaan Petrus Melarikan Diri	26
Pelajaran 13	Epilog kepada Kisah Rasul-Rasul Jilid 1	28
Nota		30

Kisah Rasul-Rasul Jilid 1

Pelajaran 1: Kelahiran Gereja Perjanjian Baru di Yerusalem

Tema:

Tuhan memberikan Roh-Nya untuk tinggal di dalam kita dan menjadi saksi-Nya.

Tujuan Pembelajaran:

Belajar untuk berserah kepada Roh Allah yang ada di dalam kamu untuk memberikan keberanian bercerita tentang Yesus kepada orang lain.

Petikan Alkitab:

Kis 1:11, 26, 2:1-47

Ayah Hafalan:

Tetapi kamu akan menerima kuasa, apabila Roh Allah datang kepada kamu. Lalu kamu akan menjadi saksi-saksi-Ku di Yerusalem, di seluruh Yudea, dan Samaria, serta sampai ke hujung bumi. Kis1:8



Pengajaran Cerita ini:

Roh Allah menolong umat Kristian awal untuk memberitakan khabar tentang Yesus. Ramai orang yang percaya dan mereka membangun gereja yang pertama.

Persediaan: Apakah maksud saksi? Beritahu guru tentang perkara luar biasa atau istimewa yang anda telah lihat pada minggu lepas.

Aktiviti 1: Isikan tempat kosong dengan ayat yang betul berdasarkan pilihan yang diberi (a, b, c, d) untuk menyusun cerita berikut.

Orang-orang yang percaya Yesus mengadakan pertemuan. Suara yang kuat kedengaran dari syurga dan angin kencang memenuhi tempat itu.

Petrus bercerita kepada orang-orang tentang Yesus yang telah disalib dan dihidupkan semula oleh Tuhan.

Ramai orang bertaubat dan percaya kepada Yesus. Mereka kemudian dibaptis.

d. Mereka menjadi komuniti yang dikenali sebagai gereja.

b. Orang-orang percaya boleh bertutur dalam pelbagai bahasa kerana mereka dipenuhi dengan Roh Allah.

a. Yesus kembali ke syurga.

c. Petrus meminta orang ramai bertaubat daripada dosa dan mempercayai Yesus.

.....

Aktiviti 2 - Apakah Pemahaman Anda Tentang Roh Allah?

Lukis atau tulis perkataan di dalam kotak di bawah untuk membantu anda memahami bagaimana Alkitab menjelaskan Roh Allah. Baca soalan ini untuk membantu anda:

1. Apakah yang berlaku kepada orang-orang itu ketika mereka berkumpul? Apakah yang terjadi? (Kis 2:3)
2. Sebelum itu, apakah yang datang dari syurga dan memenuhi tempat itu ? (Kis 2:2)
3. Mengapakah orang-orang di tempat itu boleh berkata-kata dalam bahasa yang tidak dipelajari oleh mereka? Siapakah yang menolong mereka untuk melakukan perkara yang tidak boleh dilakukan oleh mereka sendiri? (Kis 2:4)
4. Lihat Yohanes 14: 16 dalam Alkitab anda. Bagaimanakah Yesus menerangkan Roh Allah?

Penerapan:

Apabila sesuatu itu sukar untuk dilakukan, seperti taat kepada ibu bapa atau guru, atau memberitahu rakan anda tentang Yesus, siapakah yang boleh menolong anda?

Buat satu penanda buku yang berwarna-warni dengan perkataan ini sebagai peringatan kepada diri sendiri.

Alat-alat yang diperlukan: Kad, pensel warna atau pen warna, pelekat, serbuk berkilau, daun atau bunga kering untuk hiasan, gam, reben, penebuk lubang,.

R_____ A_____ membantu saya.

Bahan Doa:

Bapa kami yang di syurga, sebelum Yesus kembali kepada-Mu, Dia memberitahu murid-murid-Nya tentang kurnia yang Engkau hantar kepada mereka dan sekarang kepada kami. Terima kasih untuk kurnia R__ _ h Al__ _ h ini. Bantu saya untuk lebih memahami Roh Allah dan biarlah Roh Allah memimpin saya. Amen.

Kisah Rasul-Rasul Jilid 1

Pelajaran 2: Petrus dan Yohanes

Tema:

Hadiah paling bernilai yang boleh diberikan kepada orang lain ialah cerita tentang Yesus dan apa yang Dia telah lakukan untuk anda.

Tujuan Pembelajaran:

Untuk memberitahu rakan anda tentang Yesus dan kuasa-Nya yang boleh menyelamatkan dan menyembuhkan.

Petikan Alkitab:

Kis 3:1-25; Kis 4:1-31

Ayah Hafalan:

Tetapi Petrus berkata kepadanya, "Aku sama sekali tidak mempunyai wang, tetapi apa yang ada pada ku akan aku berikan kepada mu: dengan kuasa Yesus Kristus orang Nasaret itu, berjalanlah!" Kis 3:6



Pengajaran Cerita ini:

Petrus dan Yohanes sedar bahawa iman kepada Yesus merupakan akar kepada mukjizat, seperti penyembuhan. Keajaiban terjadi untuk menunjukkan siapa Yesus sebenarnya.

Persediaan: Ceritakan tentang hadiah paling istimewa yang anda dapat. Kemudian, fikirkan apa yang anda ingin kongsi kepada orang lain. Apakah yang membuatkan anda ingin berkongsi perkara atau benda ini?

Aktiviti 1: Isikan tempat kosong dengan menggunakan perkataan dalam kotak di bawah.

1. Petrus dan Yohanes berjumpa dengan seorang lelaki lumpuh yang sedang duduk di _____.
2. Mereka menyuruh lelaki itu _____ dan _____.
3. Lelaki itu _____, _____ dan _____.
4. Petrus berkata, " _____ yang menyembuhkan orang ini."
5. Orang ramai yang melihat mukjizat itu _____ dan _____.

	Gerbang Indah	melompat	berjalan	hairan
Yesus	berjalan	bangkit berdiri	kagum	memuji Tuhan


Aktiviti 2:

Membuat Kotak Hadiah

Peralatan:

Sukar: Dua keping kertas tebal untuk membuat kotak. Satu daripada kertas tersebut haruslah lebih besar untuk dijadikan penutup. Ikut diagram dan arahan di bawah.

Senang: Pesan kepada anak-anak untuk membawa kotak kecil seperti kotak bijirin sarapan untuk digunakan sebagai kotak hadiah. mereka boleh menghias kotak tersebut. Untuk hiasan: kertas putih, kertas berwarna, krayon, pen marker, pelekat, butang, benang berwarna-warni, gam, reben dan sebagainya.



Penerapan:

Dia atas sehelai kertas kecil, tulis sesuatu tentang Yesus dan bagaimana hidup anda diubah kerana Dia. Contohnya,

Yesus ialah _____ **. Dia telah mengubah hidup saya kerana** _____ .

Simpan hasil tulisan anda di dalam kotak. Setiap kali anda memahami perkara baru tentang Yesus, tuliskan di atas kertas lain dan simpan di dalam kotak yang sama. Tulis sebanyak yang anda boleh sehingga akhir tahun. Kemudian ambil kotak anda dan keluarkan semua kertas tulisan anda. Fikirkan cara bagaimana anda boleh bercerita tentang Yesus dan juga apa yang telah dilakukan-Nya kepada rakan anda.

Bahan Doa:

Bapa kami yang di syurga, terima kasih untuk Yesus yang selalu ada dalam hidup saya. Bantu saya bersaksi tentang Engkau kepada rakan-rakan, sama seperti saya bercerita tentang hal-hal baik yang saya tahu. Amen.